


Jes.

381



BIBLIOTHECA
REGIA
MONACENSIS.

38
FORMULA
CONGREGATIONIS
GENERALIS

IN QUARTA CONGREGATIONE
CONFECTA, ET APPROBATA;

In Sextâ, Septimâ, Octavâ, Decimâ,
Undecimâ, Duodecimâ, &
Decima Tertiâ.

R
RECOGNITA ET AUCTA.



ROMÆ, Typis Dom. Ant. Herculis 1689.

SVPERIORVM PERMISSV.

729. B.

Imprimatur,

Si videbitur Reverendissimo Patri
Magistro Sac. Palatii Apost. da-
tum hac die 25 Augusti 1689.

*Steph. Ioseph Menattus Episc.
Cyrenen. Vicesgerens.*

Imprimatur,

Fr. Ioseph Clarionus Sacrae Theo-
logiae Magister ac Reverendissi-
mi P. Fr. Thomae Mariae Ferrari
Sacri Apostolici Palatii Magistri
Socius Ord. Prædicatorum.

Imprimatur

Si videbitur Reverendissimo Patri
Magistro Sac. Palatii Apost. da-
tum hac die 27 Augusti 1689.

Steph. Joseph Mennius Episc.
Cyprensis Vicegerens.

Imprimatur

Fr. Joseph Clariensis Sacre Theo-
logiae Magister ac Reverendissi-
mi P. Fr. Thomae Mariae Ferrari
Sacri Apostolici Palatii Magistri
Socius Ord. Praedicatorum.



C A P U T I.

*In quibus casibus cogenda sit
Congregatio Generalis.*

1. **Q**UATUOR in casibus co- *Quibus in*
genda est necessariò Con- *casibus co-*
gregatio Generalis. Primus est *genda Con-*
cum Generalis Præpositus eligen- *gregatio.*
dus est in locum demortui, nisi ille
obierit tempore alicujus Generalis
Congregationis, aut paulò post, ut
inferiùs dicitur. Secundus, si (quod
Deus avertat) aliquid accadat eo-
rum, propter quæ de alio Generali
eligendo in locum viventis delibe-
randum esse dicitur in Nona Con-
stitutionum parte. Tertius, si quan-
do Assistentes, cum Provinciali-
bus & Præpositis localibus, pluri-
bus inter se suffragiis cogendam
judicarent, ut est in declaratione
octavæ partis, & in Decreto 29.

P. 9. c. 4.

§. 7.

p. 8. c. 2.

l. c.

Cong. 8.
Dec. 29.

Cong. 2.
Can. 29.

P. 8. c. 4.
§. 2.

Congregationis Octavæ. Quartus si Generalis, cum Assistentibus, & Procuratoribus, qui tertio quoque anno ad Generalem veniunt, cogendam esse statuunt, juxta ea, quæ in secunda Congregatione definita sunt. Præter hos autem casus, in quibus illa necessario cogenda est, poterit etiam aliquando convocari arbitrio Generalis, ut de aliquibus rebus magni momenti tractetur; juxta ea, quæ in octava parte Constitutionum habentur.

C A P U T II.

De iis, quæ in Congregatione Generali pro eligendo Generali Præposito in locum demortui ante Quatriduum informationum agenda sunt.

*In primo casu est Vicarii conno-
care.*

p. 8. c. 4.
§. 1.

2. **I**N primo casu (de quo tamquam ordinario fusiùs agendum est) ad solum Vicarium Generalem spectat Congregationem indicere, convocare, & usque ad electionem novi Præpositi dirigere;

re; aut si Præpositus paulò post
Congregationis dissolutionē mo-
riatur, ex eisdem Congregatis re-
dintegrare; tempusque ad locum
ad eam celebrandam præscribere
cum PP. Assistentibus, uti in officio
Vicarii explicatiùs habetur. Porro
locus, quo conveniet Societas ad
Generalis electionem, videtur or-
dinariè Curia Summi Pontificis
esse debere, ubi ut plurimum erit
ipsius Generalis residentia.

Cong. 6.
dec. 35. §.
19.

P. 8. cap. 5
§ 1.
Cong. 6.
D. 35. §. 21

3. Cum Congregatio in hoc
casu fuerit indicta, & spatium tem-
poris convocandi Societatem, ju-
xta Constitutiones fuerit elapsum,
inchoari poterit Congregatio, si
jam duæ tertiæ partes Electorum
præsentes adfuerint.

P. 8. c. 5.
§ 2.

4. Antequam inchoetur, sin-
guli Provinciales exhibeant Patri
Vicario Acta suarum Congrega-
tionum, ut ea cum Assistentibus
videat, ut si quid dubii de aliquo-
rum particularium legitima ele-
ctione, aut vocatione invenerint,

Acta exhi-
beantur Vi-
cario.

id totum ad Congregationem Generalem, quam primum deferant; non admissis iis, de quibus legitime dubitatur, donec ipsa Congregatio de illis constituerit.

*Quinam
admittendi.*
P. 8, c. 3. §
1.

Cong. 4.
Can. 13.
14. 15. 16.

Cong. 4.
D. 41.

Cong. 12.
D. 20.

5. Ad Congregationem Generalem ante electionem admittentur, & in ea suffragium habebunt Pater Vicarius, Assistentes, & omnes Provinciales, seu Vice provinciales, ac Electores à Provinciis missi, Procuratores quatuor votorum Professi Provinciarum extra Europā, si sint electi à suis Provinciis, vel à Provinciali cum suis Consultoribus, qui aderunt, & cæteris omnibui præsentibus qui in Congregatione Provinciali jus suffragii habent juxta dec. 41 Congregationis quartæ, & horum Procuratorum substituti, si mittantur, modò requisitis in Procuratore conditionibus non careant, juxta Decretum 20. Cong. duodecimæ (his enim si careant ad negotia tantū erunt admittendi:) de quorū om-

Congregationis Generalis. 5

omnium legitima electione, & Cong. 9.
jure suffragii, nihil erit dubii. D. 36. &
Cong. 10.

Prædicti Procuratores eo jure D. 9.
non excidunt, donec in Europa
subsistunt ex consensu Patris No-
stri, & alius ejusdē Provinciæ Pro-
curator non advenerit. Si tamen Cong. 12.
substituerint in Europa propter a- D. 46.
liud munus sibi à Generali traditū,
jus hoc explrat: quod & de eorum
substitutis dicendum, cum eodem
jure suffragii gaudeant.

Porro si justam ob causam Con-
gregatio Provincialis cogi non po- Cong. 12.
tuerit; nihilominus jus habet veni- D. 51.
endi ad Congregationē Generalē,
eoq; uti potest, quandoquidem il-
lud ex officio habet: & si impeditus
fuerit, aliū ex sua Provincia idone-
um, quemcumq; voluerit, suo loco
mittere poterit, suis ad summum
consultoribus, si adsint, auditis, a-
liisque præsentibus, qui in Con-
gregatione jus suffragii haberent.

Procuratores autē, si qui ex Pro-
vinciis legitimè vocati fuerint ad

Cong. 3.
can. 16.

Cong. 8.
Act. 10. &
Cong. 12.
Act. 1.

tractanda negotia post electionē,
non admittentur ad Congregationem ante electionem, neque ad Acta, quæ in illa fiunt; sicut nec Secretarius, nec Procurator Generalis: nisi fortè accidat, ut de aliis negotiis non spectantibus ad electionem agi oporteret: nam tunc illi quoque ad ea vocandi essent, ut statutum fuit in Congregatione octava, & duodecima.

*Ordo sedendi,
& dicendi
sententias.*

Cong. 2.
can. 31.

Cong 9.
Dec. 16.

6. Ordo sedendi in Congregatione, & dicendi sententias hujusmodi erit; ut ad dexterā P. Vicarii sed-eant PP. Assistentes, & Provinciales, vel absente Provinciali aliquo ab initio, & ante electionē, qui de jure illi mortuo succederet, juxta Decretum 16 Congregationis Nonæ; ordine antiquitatis in sua Professione inter ipsos servato. Ad sinistram vero eodem ordine reliqui Professi electores. Atque ad hunc finem affigetur in loco Congregationis Catalogus omnium Electorum cum anno & die, quo quisque Professionem emisit. 7. Elap-

Congregationis Generalis. 7

7. Elapso die indictæ Congregationis, postridie mane convocat^{Post Vicarii relationem; an legitima, & plena?}is iis tantum Patribus, de quorum jure suffragii nihil fuerit dubii & Hymno de Spiritu sancto, cum sua oratione flexis genibus recitato, P. Vicarius rationem reddet eorum, quæ facta sunt post mortem Generalis ad Congregationem pertinentia. Tum decernatur ad plura suffragia, eos, qui adsunt, plenam, & legitimam congregationem conficere.

8. Deinde, si de aliquorum legitimo jure suffragii à P. Vicario, & Assistentibus dubitatum fuerit, P. Vicarius id referat ad Congregationem, ut hæc de illis statuatur, quid agendum: & qui judicati fuerint admitti debere, vocentur & suo loco sedeant. ^{Quæ referet Vicarius ad Congregationem.}

9. Proponatur Congregationi, an suppleri debeant omnes defectus, si qui fortè acciderint, tam in Congregationibus Provincialibus, quam alii quicumque. ^{An suppleri debent defectus.}

10. Se-

Electio Secretarii.

P. 8. c. 6.

L. D.

Cong. 10.
D. 7.

Cong. 8.

Act. 2.

M. 5.

Vicarii Suffragium.

P. 8. cap. 3

§. 2.

Cong. 1.

A. Dec. 4.

10. Secretarium per Scrutinium secretum ad plura suffragia (sicut & ceteros omnes, qui ante electionem Generalis eliguntur) eliget Congregatio, qui tam generali, quam particulari Deputatorum, Congregationi & Prepositi Generalis electioni subserviat; cujus officium finis electionis terminabit. Suffragia autem in electione Secretarii videbunt duo antiquiores Professi una cum Vicario, juxta Decretum 7. Congregationis decime. In hac autem electione, & in omnibus, quæ fiunt ad plura suffragia, non erunt exquirenda suffragia Electorum infirmorum extra locum Congregationis; sed tantum in iis, quæ fiunt ad plura medietate, si infirmi sint in eadem domo.

11. In actis omnibus, quæ ante electionem fient, Vicarius unicum tantum habebit suffragium, cum qualitate præcedendi in casu paritatis, quandocumque agetur publicis suffragiis.

12. Si

12. Si Congregatio Romæ habe-
bitur, proponatur, quinam cum P.
Vicario adire debeant Summum
Pontificem ad petendam ab ipso
Benedictionem, & ad electionem
Præpositi, & ad alia, quæ in Con-
gregatione tractanda erunt.

13. Eligatur unus ex Electoribus
per scrutinium secretum, qui se-
cundam sit habiturus orationem,
sive exhortationem ipso die ele-
ctionis: eam autem prius quam re-
citet, Patri Vicario, & Assistentibus
ostendet, qui, si quid sit mutandū,
corrigendum vel adjiciendum,
eum tempestivè admonebunt.

14. Eligatur etiam unus extra
numerum electorum per secreta
suffragia ex Præpositis, Rectoribus,
vel aliis de Societate, qui curam
habeat includendi electores ipso
die electionis; cui quatuor alii ad-
jungentur Vicarii arbitrio sive ex
Procuratoribus, qui vocati sunt ex
diversis Provinciis, si qui tales ve-
nerint, sive ex aliis Patribus de
Societate.

15. De-

*Quindam
ad benedi-
ctionem pe-
tendam
mittendi.*

*A quo ha-
benda ora-
tio.*

*P.8. cap. 6
§.4.*

*Inclusor
eligendus.
P.8. cap. 6
§.4.*

*Cong. 7.
D. 64.*

*Deputatio
eligendi.*

*Cong. 2.
D. 92.*

*Interroga-
torium con-
ficiendum.*

15. Deinde Congregatio per secreta scrutinia eligat, & deputet quinque Patres ex quinque Assistentiis Italicâ, Gallicâ, Germanicâ, Hispanicâ, & Lusitanicâ, de numero Congregatorum, qui cum P. Vicario, & Assistentibus præsentem Secretario Congregationis videant, an aliquid sit, in quo insigne detrimentum passa sit Societas, vel passura esse timeatur, quod singulari providentiâ, atque industriâ, vel refarciendum, vel curandum sit. De quo, si quid fuerit, conficient opera secretarii ad electorum usum Interrogatorium, in quo ea tantum inferantur in quibus certò constiterit Patribus deputatis, passam fuisse Societatem, aut timeri, ne proximè patiatur. Porro de quibus agent hi Deputati, ea ad plura suffragia transigent, nec duo suffragia habebit Vicarius Generalis; sed solum suffragii prærogativam, ac totum hujus deputationis negotium intra quatuor dies ad summum absolvent.

16. Ad

16. Ad hos autem Deputatos singuli Electores, & cæteri, qui post electionem Præpositi jus suffragii habent, intra biduum à deputatione facta, ferent, quæ habent à suis Congregationibus Provincialibus, vel quæ ipsi notarunt ad hoc negotium pertinentia. Si vero ex nostris extra horum numerum, aliquid ejusmodi Deputatis proponerent, non erunt rejiciendi; tametsi non erunt provocandi, ut hoc faciant. Verum informationes eorum, qui jus suffragii non habent, non nisi subscriptæ ab ipsis recipiantur. Qui autem jus suffragii habent, quamvis sine subscriptione suas informationes dare possint, aliorum tamen, etiam Electorum, non nisi subscriptas dare poterunt; ut dicetur in §. 64.

*Qui nam
referent ad
deputatos,
& qua.*

*Cong. 3.
Ad 5.*

17. Quæ proposita fuerint, duo ex Deputatis, electi à Vicario, cum Secretario, ad certum aliquem ordinem redigent, ut ea, quæ ad eandem rem pertinent, suo loco legantur,

*Proposita-
digerenda.*

*De Personis
nil admit-
tendum, nisi
post electio-
nem.*

*Nisi spectet
ad ambi-
tum.*

*Interroga-
torium com-
municetur
electoribus.*

gantur, & excutiantur in Congregatione Deputatorum, qui præcipua feligent, rejectis aliis, quæ leviora esse, vel ad Interrogatorium conficiendum non pertinere videbuntur. Neque enim admittenda sunt, nisi quæ ad electionem pertineant, non item quæ agunt de personis, nec etiam de rebus, quæ ad particulares personas referantur, ut sunt querelæ, purgationes, accusationes & alia hujusmodi, quæ à Deputatis, & à tota Congregatione (si fortè illi proponantur) rejicienda sunt ad deputandos post Generalis electionem, nisi sint ex iis, quæ cognoscenda sunt à Judicibus de ambitu, ut infra dicetur § 24.

18. Interrogatorium à Deputatis confectum, non oportebit ut publicè in Congregatione legatur: sed fatis erit, si singulis Electoribus ante inceptum quatrimum, vel saltem initio quatrimei communice-
tur. Necesse tamen erit, ut Deputati ab Electoribus interrogati, circa intel-

Congregationis Generalis. 13
intelligentiam, vel explicationem
Interrogatorii, eos informant de
statu Societatis in hujusmodi re-
bus, & de iis quæ ipsa passa est, vel
passura timetur; quatenus ad bo-
nam electionem futuri Generalis
utile erit.

10. Congregationi Generali an-
te electionem nihil omninò erit
proponendum, quod non ad ipsam
electionem pertineat; & quæ pro-
ponenda videntur, prius à Patre Vi-
cario cum Assistentibus, & Depu-
tatis ad plura suffragia, determi-
nentur: si quis verò postea non fue-
rit contentus, licebit illi propone-
re Congregationi. Ipsa verò Con-
gregatio, etsi ante electionem de-
creta condere non possit, poterit
tamen omnia definire, & facere,
quæ ad ipsam electionem pertine-
re vel conducere judicabit.

*Nihil tum
proponendū
Congrega-
tioni; nisi ad
electionem
pertinentia.*

20. Si quædam majoris momen-
ti ad electionem spectantia Con-
gregationi proponenda sunt, uno
die proponantur, rationibus u-

*Proposita
altero vel
eodem die
ad plura
suffragia
decernantur*
Cong. 1. P.
D. 4.
Cong. 2.
D. 88.

trimque adductis; in quibus si maior informatio desideraretur, ea à Vicario, vel aliis Electoribus petatur, & sequenti die dicantur sententiæ. Hæc verò, & omnia, quæ ante electionem tractanda erunt, ad plura suffragia decernantur. Si quæ autem leviora proponerentur pro arbitrio Patris Vicarii, non contradicente Congregatione, aut eodem die, aut alio tractentur.

*Crimen
ambitus
quibus manifestandū.*
P. 8. c. 6. §.
2. & litt.
A.

Cong. 1.
A. D. 7.

Cong. 7?
D. 65.

21. Super illud sexti capitis octavæ partis, ejusque declarationis; quod sub pœna excommunicationis latæ sententiæ, quisque teneatur Vicario manifestare, vel alicui ex antiquioribus Professis, si sciret aliquem hoc munus affectasse, vel etiam tunc affectare, directè vel indirectè id procurando, vel signo declarando &c. hæc declaratio adhibetur; quod per antiquiores Professos, intelliguntur quatuor antiquiores quatuor Assistentiarum diversarum ab illa, ex qua est Vicarius: & hi qui que juxta Decretum

Congregationis Generalis. 15

tum 65. Congregationis septimæ, eos qui ob ambitum delati fuerint, judicabunt juxta Constitutiones, & declarationes.

Eadem censura extēditur in omnes de Societate, quicumque, & ubicumque sint, qui ab obitu Patris Generalis ad electionem usque, pro se, aut pro aliis ambierint; vel qui cum personis Societatis, aut cum externis cujuscumque status, & conditionis sint, egerint, aut tractaverint, vel litteras, aut favorem Prælatorum, Principum, aut aliorum procuraverint ad quamvis nationem, vel particularem personam promovendam ad Generalatum, vel excludendam. In illos etiam, qui sinceritatem, vel libertatem electionis, juxta institutum Societatis nostræ, quoquo modo directè, vel indirectè impedire, vel corrumpere conati fuerint. Extēditur etiam ad informationem non sinceram, eam scilicet, quæ studiosè mendax est, malâ cum in-

Crimē ambitus ante Congregationem qui incurrant.
Cong. 1.
A. D. 7.
Cong. 7.
D. 55.

Excommunicantur ipso facto impediētes libertatem electionis, item falsò informātes.
Cong. 1.
P. D. 7.

Cong. 2.
A. D. 19.
Cong. 7.
D. 55.

*A quo ab-
solvendi.*

Cong. 1.
A. D. 20.
& Cong.
2. A. D. 12.

*Obtrudentes
informatio-
nem apud
quos defe-
rendi.*

*Judices am-
bitus.*

P. 8 c. 6.
litt. A.

tentione, & in re gravi. Demum ipso facto ambitiosos pro se, vel pro aliis eo modo, quo supra dictum est, in excommunicationem incidere decernitur, à quâ non possint absolvi ante electionem nisi à Patre Vicario, post electionem vero, à Rev. P. Generali.

22. Qui informationes Electoribus ante captam Congregationem obtruserint, illos ad P. Vicarium ipsi Electores deferre teneantur, & postquam cæpta fuerit Congregatio, ad ipsos Judices ambitionis, ut eos pro criminis eorum gravitate, suo arbitrio puniant.

23. Si ipsemet Vicarius, vel aliquis ex prædictis antiquioribus Professis diversarum Assistentiarum notaretur de ambitu; semper quinque, ex iis, qui inter prædictos Professos antiquiores erunt, de propositâ causâ judicabunt; excluso eo, qui notatus est ambivisse pro se, aut pro aliis: & eorum quisque ad cujus aures hujusmodi infamia per-

perveniret, reliquos vocet, ut de eâ cognoscatur. Quod si Vicarius in culpa esse judicaretur. Congregationi ante electionem, & ipsi electioni præerit antiquissimus eorum, qui ad ejus dexteram sedebunt. Horum autem Judicum sententiis sine ullâ appellatione omninò acquiescendum est. Quod si alicui videretur sibi ab illis injuriam factam esse; ei licebit post electionem apud Congregationem agere. Qui si tamen se sufficienter non purgaverit, judicio Congregationis punietur.

*Ab his an
sit appella-
tio.*

24. Delationes de ambitu omnes ante captum quatrimum judicentur (nisi in ipso quatrimum deprehensus esset aliquis ambitiosè egisse, aut agere) nemine vocato consilii capiendi gratia, qui non sit ex ipsa Congregatione. Omnes autem etiam Delatores, ac testes teneantur secretum servare cum omnibus præterquam cum Electoribus in informatione tempore

*Judicium
de Ambitu
ante Qua-
trimum.*

*Secretum in
hac causa.*

quatruidui. Quin etiam Judices, antequam sententiam ferant, non debent Electoribus in informatione dicere, quæ tamquam Judices cognoverint. Si quis autem ex Judicibus secretum non servaverit, judicis officio, ipso facto, privatus sit, & à quatuor aliis excludatur, suffecto in ejus locum alio antiquissimo, juxta prædicta, & post electionem pro Congregationis arbitrio puniatur, sicut & ii, quos ad consilium suum ipsi Judices vocaverint, & Delatores ipsi ac testes secretum non servantes: ac multò magis, si calumniosè egisse deprehensi fuerint. Porro Judices hi quinque, quorum erat de ambitu ante electionem cognoscere, post eamdem reliquo Congregationis tempore de iis etiam cognoscent, (sed Vicario retinente inter eos locum juxta ordinem qui servatur in Congregatione) quæ ab obitu Generalis, usque ad novi creationem, contra Constitutiones, & for-

formulas commissa videbuntur ; cum potestate in reos inquirendi , compertosque pro delicti modo puniendi ; non solum privandi illos ad tempus , vel in perpetuum voce activa, aut passiva, sed inhabilitando etiam ad munia quælibet, & officia, aliisque pro arbitrio poenis afficiendo ; præsentem semper, & iudicium pro sua prudentia, paternoque in omnes affectu dirigente Præposito Generali, qui si Cong. 11. ante electionem erat unus ex Judicibus de iisdem causis debet cognoscere tamquam Iudex, de quibus prius cognoscere debuisset. Sin autem ante electionem Iudex non erat, debet solum præsidere, & iudicium dirigere. Quod si agatur de ambitu in electione Assistentium, ut dicetur §. 82 est Iudex ipse Generalis. In quem quidem, Cong. 7. aut in ejus electionem, nullam D. 89. disquisitionem inire, nec ullam cujusquam delationem admittere licebit.

25. Proponatur ante quatri-
duum, an expectandi sint absentes
si qui abfuerint, ad electionem
Præpositi faciendam: & si decer-
natur non esse expectandos, nihi-
lominus suus illis locus servandus
erit in Congregatione, si vene-
rint.

CAPUT III.

*De iis, quæ in Quatriduo ante electio-
nem fieri debent.*

Electio Af. 26.
sistentis.
P. 8. cap. 6
litt. D.
P. 8. cap. 6
§. 1.
Cong. 10.
D. 7.
§. 10.
Primò die quatridui mane
eligatur Assistens electio-
nis per scrutinia secreta, servatis iis
quæ supra dicta sunt in electione
Secretarii Congregationis: post e-
lectionem autem Assistentis P. Vi-
carius ex eo loco, ubi sedet, suam
habebit orationem.

*In quatri-
duo nullus è
domo egre-
diatur.*
27. In ipso quatriduo nullus de
Congregatione egredietur domo
sine licentia P. Vicarii, qui eam non
concedet, nisi re prius collatâ cum
omni-

omnibus Assistentibus: cum quibus etiam ipse rem communicabit, si foras ire velit; & utroq; in eventu duorum Assistentium assensus expectandus erit. Sed neque aliorum quisquam permittatur à Superioribus egredi Domo qualibet, aut Collegio loci, ubi Congregatio celebrabitur, nisi urgente necessitate; ut Electores informationibus, & tum ipsi, tum alii missis dicendis jejuniis & corporis afflictionibus omnes vacant; partitionem autem jejuniorum, disciplinarum, & orationum, quæ tunc fieri debebunt; P. Vicarius pro suo arbitrio faciet.

P. 8. c. 6.
§. 1.

*Pœnitentia
tum facien-
de.*

28. In eodem quatrIduo omnes electores, nemine excepto, informationem petent, idque solùm ab Electoribus, & cæteris, qui post electionem jus suffragii in Congregatione Generali habent; ita tamen, ut hi easdem leges subire in ipsis informationibus teneantur, quas Electores.

*Quinam,
& à quibus
petent in-
formationē.
Cong. 1. A
Dec. 6. c. 1
Cong. 2.
A. D. 14.
& 15. &
Cong. 4.
can. 15.*

29. Peti autem informationes

*De quibus
petenda in-
formatio.*

C. 1. A. D.
6. C. 3.

debent de iis, de quibus venit in mentem unicuique, quod possent esse idonei ad munus Prepositi Generalis, sive absentes, sive præsentes sint, inter Professos tamen quatuor votorum.

*Quinā de-
fectus pe-
tendi.*

Cong. 1.
A. Dec 6.
can. 9. P. 9
C. 2.

E. C. 2. & 3

P. 1. C. 2.
& 3.

30. Defectus, qui bonæ electioni adversari possunt, & peti, & dici debent, omissis illis, quæ ad eam non faciunt: atq; hæc juxta Constitutiones & præcipuè juxta secundum caput bonæ partis, & juxta interrogatorium, quod à Deputatis conficietur, ut dictum est. Sed & habenda est ratio eorum, quæ in secundo, & tertio capite examinis, & similiter in secundo, & tertio capite primæ patris Constitutionum dicuntur, quatenus ad bonam Prepositi electionem faciunt. Ex iis enim quisque sibi interrogatorium ad informationem conficere potest: nemo tamen arctandus videtur, quin interrogare possit alia, quæ interroganda præterea indicaverit.

31. Peti

31. Peti etiam debebit ab eo, qui reddit informationem, an quid aliud habeat dicendum de persona de qua interrogatur; & an de alia sentiat capiendam esse informationem, & an ab alio quopiam aliqua in re clariorem, ac certiore informationem habere possit inter eos, à quibus ea peti debet.

*Qua alia
petenda.
Cong. 1.
A. Dec. 6.
cap. 4.*

32. Non petatur, an hic, vel ille aptus videatur ad hoc munus necne; sed de rebus illis, ex quibus id judicari possit. Sit porro intentio ejus, qui informationem petit pura ab effectibus inordinatis, neque se permittat ab humanis, ne dum vitiolis, duci, & solùm Dei gloriam & meliorem Societatis gubernationem (quæ ad commune bonum animarum ordinatur) præ oculis habeat.

*Ratio petendi informationem.
Cong. 1.
A. D. 6. c. 5.
Cong. 2. P
D. 90.*

33. Nec solum ab omni ambitione pro se, vel pro aliis sit liber, sed diligenter observare debet, ne voluntatis propensionem ad hunc, vel illum excludendum vel admit-

*Perversa
intentio capi
venda.
Cong 1.
A Dec. 6.
cap. 5.*

ten -

tendum habeat, aut præseferat; etiam cum de Secretarii, & Deputatorum electione agitur. Cum autem informationem de aliquo accipit, seruet alteram autem aliis, & cor Deo; memor quod cum iuramento est electurus, quem aptissimum duxerit.

*Secretum
servandum.
C. 1. A. D.
6. c. 5.
Cong. 2.
A. D. 16.*

34. Si quis grave aliquid in informationibus intellexerit, quod secretum requirit, teneatur in virtute Sanctæ obedientiæ, præterquam cum Electoribus, secretum servare: memorque charitatis, caveat ne ulla ratione cuiquam significet defectus, si quos de illo audiverit, nominatâ potissimum personâ, à qua narrati sint, aut aliquo modo indicatâ.

*Post captam
informationem,
quid
faciendum.*

35. Post informationem consideratione, & discussio necessaria est, & multò magis oratio, quæ illustrationem impetret à Deo, sapientiæ fonte, ad bene judicandum, & eligendum eum, qui Deo maximè sit placiturus; & in hac divinâ gratiâ

tiâ potius, quàm in humauâ dili-
gentiâ, spem constituat. Proinde
meminerit, non solum volunta-
tem, sed iudicium cohibendum
esse ab ultima definitione, donec
in locum inclusionis ingrediatur,
ubi post orationem, quisque statue-
re debet, quem sit electurus.

P. 8. c. 6.
§. 1.

36. Nemo obtrudat informa-
tionem non petenti, & qui obtru-
ferit deferatur ad Iudices de ambi-
tu; caveat, & is, qui petenti respon-
det, affectus humanos, non solum
ambitionis, sed etiam cuiuscumq;
propensionis, quæ non ducatur ex
intentione honoris Dei, commu-
nis boni, & bonæ gubernationis
Societatis.

*Deferatur
obtrudens.
Cong. 1.
A. D. 6. c. 6*

37. Non solum mendacia, sed
amplificationes, & exaggerationes
relinquantur nihil temerè, sed
consideratè, & maturè, certa pro
certis, opinata pro opinatis, audita
pro auditis referat; ut qui coram
Deo agit & ei rationem est reddi-
turus eorum, quæ in sua informa-
tione

*Ratio dan-
di informa-
tionem.
Cong. 1.
A. D. 6. c. 6*

tione dixerit. Qui verò alicujus defectum ab aliquo ex informationibus audivit, aut aliis explicet interrogatus (nominato tamen eo, à quo audivit) aut interrogantem ad illum remittat.

Littera cæca.

Cong. 12.

D. 44.

Postremo, si cui darentur epistolæ, quas cæcas vocant, sine subscriptione, ac nomine ad aliquem excludendum vel includendum: has ille quam primum supprimat, nec cuiquam manifestet; nisi pro rerum scriptarum gravitate rem ad Vicarium, vel ad Præpositum Generalem deferendam esse, aut sub sigillo secreti uni vel alteri Congregationis consilii capiendi gratiâ, communicandam judicaret.

*Necessaria
in loco Con-
gregationis
pro electio-
ne.*

38. Pridie electionis vesperi in loco electionis deputato parentur Altare cum Crucifixo, suggestus, & mensa (in qua Vicarius, Secretarius, & Assistens sedebunt) & Urna, in quam conjicienda sunt suffragia: parentur item Schedulæ, quotquot erunt necessariae, in quibus

bus ex una parte scriptum sit iuramentum, ut est in Constitutionibus, hoc pacto. Ego *N* testem invoco Iesum Christum, qui est sapientia aeterna, quod eum eligo, & nomino in *Præpositum Generalem Societatis Iesu*, quem sentio ad hoc onus ferendum aptissimum. Ex alia verò parte ponantur hæc verba. *Eligo in Præpositum Generalem Societatis Iesu N.* ita ut nihil desit electori scribendum, nisi nomen electi, & eligentis. Quod autem omnes jurent se eum eligere, quem senserint in Domino aptissimum ad hoc onus ferendum &c. Declaratum est, quod si quis duos, aut plures pares omnino judicaret; integrum sit ei dare, cui voluerit suffragium.

*Formula
juramenti
pro electio-
ne.*

*P. 8. c. 6.
§. 6. &
litt. F.*

*Quid a-
gendū cum
quis plures
pares judi-
cat.*

*Cong. 1.
A. D. 16.*

C A P U T I V.

*De iis, quæ ipso die electionis obser-
vanda sunt.*

39. **I** Ipso die electionis, Missa de Spiritu sancto celebrabitur
à

*Missa, &
Communio.
P. 8. c. 6.
§ 3.*

*Ordo eundi
ad Congre-
gationem.*

à P. Vicario, vel ab eo, quem elegerit, & quidem publicè in Ecclesia, ac in aurora, & coram omnibus Electoribus: qui post ejus communionem statim omnes communicabunt; & eundem ordinem in eundo ad eam, & communicando, & redeundo, de quo supradictum est, servabunt. Incedant autem bini, & ad Campanæ domesticæ pulsus, quæ post Communionem, usq; ad inclusionem in loco Congregationis sonabit. Ii, qui suffragium habent, ad locum Congregationis se conferent, Cruce præcedente, aliis de Societate interim canentibus. *Veni Creator Spiritus*; quem Hymnum alternatim submissa voce omnes Electores in ipso Congregationis loco dicent, & post inclusionem Electorum, iidem Societatis in Ecclesia, vel alibi dicent Litanias, & continuam orationem, quæ usque ad electionem durabit, habebunt.

40. Includantur autem Electores,

res, in loco Congregationis per Deputatos, jam antea ad hoc electos; ita ut nec inde egredi, nec aliquid ad victum præter panem, & aquam dari possit, donec Præpositum Generalem elegerint. Quo in loco servabunt omnes silentium, ita ut unus cum alio non colloquatur in iis, quæ ad electionem pertinent, nisi quid esset, quod necessarium videretur, & id quidem coram omnibus dicendum esset. Nulla tamen protestatio in eo loco admittenda erit; nec quidquam aliud à quocumque proponatur, quod electionem impedire, perturbare, aut differre ullo modo possit.

Includantur electores.

P. 8. cap. 6

§. 4.

Silentium

servandum.

P. 8. cap. 6

litt. C.

Nulla Pro-

testatio fiat.

Habeatur

Concio ad

Congregatos.

P. 8. cap. 6

§. 4.

41. Inclusis Electoribus, primum habeatur concio à Deputato per Congregationem, quo in genere exhortatur ad electionem ejus Præpositi, qui ad majus Dei obsequium conveniat, nullo dato signo, quo particularis aliqua persona significetur. Deindè unusquisque

C

seor-

P. 8. cap. 6
§. 6.
Orent per
horam.

seorsim orabit Deum per horam :
& cum nullo alio loquendo, in
Creatoris sui, ac Domini conspe-
ctu, ex iis, quæ prius intellexit, a-
pud se statuet, quem sit electurus
absque novis informationibus, quæ
nullæ sumendæ sunt in loco in-
clusionis, sed ex præcedentibus,
cum gratiâ tam illustrationis, quàm
discursus acceptâ à Deo, & prius, &
eodem loco, electionem faciet
Præpositi Generalis, quem inter
absentes, & præsentis, Professos
tamen quatuor votorum, eligi o-
portet.

Absolutio à
censuris
danda à Vi-
cario cate-
ris.

P. 8. cap. 6
§. 6. &
litt. E.
Cong. 1.
A. D. 15.

42. Peractâ oratione Pater Vi-
carius stans, cæteris omnibus hanc
absolutionem dabit. *Ego N. Vicarius
Generalis Societatis IESV, auctoritate
Dei Omnipotentis, mihi licet indignis-
simo per Sedem Apostolicam concessâ,
Absolvo vos à quavis sententia excom-
municationis, suspensionis, & interdi-
cti, & à quibusvis aliis sententiis, cen-
suris, & pænis; & quantum sit opus,
dispenso vobiscum super irregularitate
quavis,*

Congregationis Generalis. 31

quavis, dummodo sententias, censuras,
& pœnas, ac irregularitatem hujusmodi
ob defectus ad electionem hanc perti-
nentes non incurreritis, ad effectum le-
gitimæ electionis. In nomine Patris, &
Filii, & Spiritus sancti, Amen. Quam
eamdem absolutionem dabit Vi-
cario is, qui fuerit Professione anti-
quissimus. Quod si fortè post abso-
lutionem constiterit aliquem ex
Electo-ribus ipso Electionis tem-
pore, censurâ aliquâ, aut irregulari-
tate fuisse innodatum, ob defe-
ctum aliquem ad electionem per-
tinentem, nulla ratione id Præpo-
sito nocebit, quominus legitimè c-
lectus censeatur.

*Ipsi quoque
Vicario ab-
alio.*

43. Data absolutione, si omnes
communi inspiratione, non expe-
ctato ordine suffragiorum quem-
piam eligerent, ille sit Præpositus
Generalis: omnem enim ordinem,
& eligendi formulam Spiritus san-
ctus, qui ad ejusmodi electionem
eos movet, facile supplet: eaque ac-
ceptari debet; modo adeo lueulen-

*Modus eli-
gendi per
inspiratio-
nem.
P. 8. cap. 6
§. 5.*

ta esset, & notoria, ne ullo quidem dempto, ut nulla tergiversatione negari posset Divinam esse inspirationem.

*Quomodo
scribendum
suffragium.
P.8. cap. 6
§.6.*

44. Quando eo modo non peragetur electio, unusquisque in charta, propriâ manu, scribet nomen personæ, quam eligit in Præpositum Generalem; sed mutato, quantum fieri poterit, charactere, ne agnosci possit à tribus illis, qui suffragia visuri, & lecturi sunt, & nomen suum subscribat, quod maneat obsignatum juxta Decretum Concilii Tridentini, in quo præcipitur Generales eligi debere per vota secreta, ita ut singulorum eligentium nomina nunquam publicentur.

*Iuramentum
Vicarii, Secretarii &
Assistentis.*

45. Deinde cùm ad Sedes suas omnes convenerint, Pater Vicarius, Secretarius, & Assistentis, stantes ad mensam singuli coram Deo, ut singulis quadrat, se sincerè accepturos, & publicaturos suffragia jurabunt in hunc modum. *Testem invoco Deum, cujus oculis omnia nuda sunt,*

sunt, me fideliter accepturum, & publicaturum suffragia; & quæ ad officium meum pertinent sincera cum intentione me præstiturum. Protestor etiam in Divina Majestatis conspectu, & Univerſe Societatis, quam hic representamus, me neminem admittere velle, qui non sit admittendus, nec excludere, qui non sit excludendus.

P. 8. cap. 6
§. 6.
Cong. I.
A. D. 15.

46. Hac protestatione facta, statim tentandum erit primum scrutinium. Quo circa Secretarius stans ad mensam dicet P. Vicario: *Pater datum suffragium in nomine IESU.* Mox Vicarius surgens ad altare flectet genua coram Crucifixo, & signans se Cruce. In Nomine Patris, & Filii, & Spiritus sancti, legat iuramentum à tergo schedulæ scriptum: deinde surgens, & duobus digitis clausum suffragium suum ostendens in urnam mittet; & se rursus inclinans coram Crucifixo redibit ad locum suum: & mox dicet duobus sociis suis, & cæteris: *Omnes ordine ferant sua suffragia in nomine*

Ratio ferendi suffragium.

P. 8. cap. 6
§. 6.
Cong. I.
A. D. 16.

nomine IESV: Deinde surgens Secretarius, tùm Assistens, & postea reliquo suo ordine sigillatim iuramentum facient, & sua suffragia ferent ad exemplum P. Vicarii.

Modus legendi suffragia.

47. His peractis, Secretarius ex urna, in qua priùs mixta fuerint suffragia, ea extrahat, & numeret altâ voce, & si justus fuerit numerus, sigillatim accipiens tradat P. Vicario: ille autem visa, & utrique socio ostensa leget publicè, vel Secretario legenda reddet: & in hac promulgatione electus tantum nominetur, obsignato manente nomine eligentis, ut dictum est.

*Quot suffragia pro electione Generalis.
P. 8. cap 6
§. 6.*

48. Post singulorum suffragiorum publicationem, conferentur numeri, si plures nominati fuerint: & qui plusquam mediam partem omnium suffragiorum habuerit, Generalis Præpositus erit; si tamen numerus omnium Electorum impar fuerit, ac proinde mediam partem non habuerit, is censeatur habere plusquam mediam partem
suf-

suffragiorum, cui ex duabus parti-
bus major obtigerit. Si verò in pri-
mo scrutinio, nullus habuerit am-
plius, quam medietatem suffragio-
rum, ante Compromissariorum e-
lectionem, tentandum eodem pa-
cto erit secundum scrutinium in-
ter omnes, qui habuerunt suffra-
gium aliquod: sed iuramentum in
primo scrutinio emissum, non erit
repetendum, iuxta declarationem
Congregationis X. Si autem, ne-
que in secundo crearetur Præposi-
tus, eodem modo tertium tentan-
dum erit; & si opus erit, quartum,
aut etiam quintum. Quod si nec
tum quidem crearetur Præpositus,
Congregatio, si ei videatur, ulte-
riùs progredi poterit in scrutiniis
donec Generalis electus sit: sin ve-
rò post quintum scrutinium Con-
gregatio, ad duas saltem tertias suf-
fragiorum partes censuerit Com-
promissarios esse faciendos: tunc
quinque Electores, ex quinque di-
versis Assistentiis ad plura medie-

Cong. 10.
Dec. 15.

P. 8. c. 6.
§. 7.

Compromissarii
eligendi.

tate suffragia eligendi erunt : & ad quem major pars eorum inclinabit (servatâ ab his eâdem electionis formâ) ille Præpositus Generalis erit.

P. 8. cap. 6
litt. H.

49. Ad hos quinque Electores eligendos danda est una hora, & servanda est in eorum electione hæc forma jurandi. *Testem invoco IESVM Christum, qui sapientia est æterna, quod ego N. illum eligo, & nomino in Præpositum Generalem Societatis IESV, quem Electores ad id constituti elegerint, & nominaverint; quodque ad hoc illos eligo in Compromissarios, quos sentio ad id munus aptissimos.* Deinde scribentur suffragia pro singulis Compromissariis eligendis, servatâ eâdem ferendi, & publicandi formâ, quæ servatur in electione Generalis, excepto iuramento. Si verò contingeret duos uni, & totidem alteri suum dare suffragium; tunc decidetur à Congregatione, quid erit agendum. Eligent autem hi Compromissarii
Præ-

Præpositum Generalem ex iis, qui ad tria non pertigissent. Quod si duo, vel tres valde magno excessu plura suffragia habuerint, quàm alii; illi nec activam, nec passivam vocem ad electionem Compromissariorum habebunt.

50. Quovis modo ex prædictis suffragiorum numerus sufficiens ad creandum Generalem exierit, P. Vicarius, si ipse electus non fuerit, significabit publicè plura esse medietate suffragia ejus, qui eligitur, & mox conficiet Decretum in hanc formam. *Cum in plena, & legitima Congregatione, collato numero omnium suffragiorum, plusquam media pars omnium Reverendum Patrem N. nominaverit, & elegerit, Ego N. auctoritate Sedis Apostolicæ, & Universæ Societatis, eligo prædictum Reverendum Patrem N. in Præpositum Generalem Societatis IESV, in Nomine Patris, & Filii, & Spiritus sancti, Amen. Romæ, vel alibi. Si Vicarius ipse electus esset, publicabit suffragia, &*

*Formula
Patentis in
electione
Generalis.*

*P. 8. cap. 6
§. 6.*

formabit Decretum Secretarius, scribeturque à Secretario decretum, & subscribetur ab eo, qui id formaverit, sigilloque Societatis obsignabitur.

*Post promulga-
tionē
nihil ten-
endum.
P. 8. cap. 6
§. 8.*

*P. 8. cap. 6
§. 6.
Reverentia
exhibenda
electo Ge-
nerali.*

51. Post promulgationem nulli integrum erit aliam electionem tentare: & hoc observet, qui Schismaticus, & ruinæ Societatis auctor haberi nolit, & in pœnam excommunicationis latæ sententiæ incidere, aliasque graves censuras subire pro arbitrio Societatis, cui unio, & conformitas omnimoda ad Dei gloriam convenit. Deinde statim omnes ad reverentiam electo Preposito exhibendam accedant, incipiente Vicario cum Secretario, & Assistente, ordine prius dicto, nisi aliquis, ex ipsis electus esset: & flexo utroque genu manum ejus osculentur. Qui verò electus fuerit, nec electionem, nec exhibitam reverentiam (memor cujus nomine eam admittere debet) recusare poterit. Cæterum si absente n eligi con-

contingat, eumque in Urbe esse, in qua fit electio; non est è Congregationis loco egrediendum, donec evocetur, & reverentia illi exhi-

Quid si eligatur Absens.

Cong. 7. D. 38.

beatur. Dum evocatur autem, neque ipsi, neque aliis quidquam est de electione indicandum. Similiter si ab Urbe absit non amplius octo, vel decem dierum itinere, vocandus est statim, vacandumque interim Congregationi ab omni rerum tractatione. At si longius abest, ita ut longiore spatio temporis expectari necesse sit: perget interim cum Vicario Congregatio in rerum tractatione, sola Assistentium, & Admonitoris electione in finem reservata.

52. Post exhibitam reverentiam, moneantur Inclusores à Secretario de Generalis electione, & in ipso Congregationis loco statim comburantur suffragia. Deinde omnes ad Ecclesiam se conferant, canentibus aliis de Societate Benedictus Dominus Deus Israel, &c. inter eun-

Moneantur inclusores.

Comburantur suffragia.

Ordo eundi ad Ecclesiā.

Praxis in
Cong. 9,
10. & 12.

eundum, & in ipsa Ecclesia *Te Deum laudamus*; & unus Sacerdos dicet tres orationes, primam de Trinitate, secundam in gratiarum actionem, tertiam de die, vel de Beata Virgine; & quartam de S. Ignatio P. N. ad ipsius Depositu, seu Altare, si Romæ electus fuerit Generalis; & usque ad egressum de Ecclesia Præpositus, non admittat oscula manuum ab aliis, quam ab Electoribus.

C A P U T V.

Quid agendum, si Generalis in ipsa Congregatione, aut paulò post è vivis decedat.

Quid? si Generalis moriatur ipso Congregationis tempore, vel eâ absolutâ.

53. **S**I Præpositum Generalem è vivis decedere contingat ipso Generalis Congregationis tempore, vel certè statim post dissolutam Congregationem, Patribus Congregationis adhuc in eo loco, ubi habita est Congregatio con-

consistentibus: tunc si nullus à Generali demortuo Vicarius nominatus fuerit, antiquissimus Professione veterum Assistentium Congregationi, & electioni præsidebit. Ad summum autem biduo post sepulturam absolventur informationes, ut die tertio post illam electio successoris fiat. Post electionem verò non erit opus eligere novos Assistentes, & Admonitorem novum: satis enim erit, si Assistentes, & Admonitor Prædecessoris confirmentur, nisi eorum aliquis in Generalem electus esset. Quod sic intelligendum est, ut integrum Congregationi sit, vel novos eligere, vel antiquos confirmare. Proinde per secreta suffragia videndum erit, an priores confirmandi sint, an alii eligendi.

54. Si Præpositus Generalis moriatur postquam aliqui ex Electoribus abierint ex eo loco, in quo habitata fuit Congregatio; nova tunc Vicarii electio facienda est, & quidem

Quid? Si moriatur postquam electores abierint.
Cong. 12.
D. 48.

Cong. 7.
D. 38.

dem juxta formulam Congregationis ad eligendum Vicarium Generale, si nullus tunc Vicarius nominatus fuerit à Generali de mortuo. Neque eo nomine, quod in Congregatione Generali fuerint Electores, qui adhuc supersunt, jus illis ad Vicarium eligendum supererit; sed ad hanc electionem erunt admittendi solum juxta Professionis antiquitatem; & si, qui abierunt, intra breve tempus revocari posse videbuntur Vicario, & Congregatis, qui remanserunt, revocentur. & procedatur statuto die ad electionem novi Generalis: & ubi redintegrata fuerit Congregatio, sedeant omnes, & sententias dicant, quemadmodum, antequam Congregatio dissolveretur; etiam si alii ad alia officia mutati sint, aut aliis Provinciis assignati. Quod si Electores in Provincias suas jam reversi, aut propè easdem in reditu fuerint constituti; tum cogenda rursus erunt Provinciales Congregatio-

gationes, & ad mittendorum electionem procedendum. Cong. 12.
D. 54.

Porro si Præpositum Generalem, nullo Vicario nominato, mori contigerit extra Romam: si suam Sedem Romæ habuerit, quocumque intra Provinciam Romanam loco obierit, Romæ celebranda erit Vicarii electio: sin autem extra Provinciam Romanam decesserit: servanda erit formula Congregationis ad eligendum Vicarium §. 3. Quod verò ad Assistentes spectat standum erit Decreto 34. Congregationis Nonæ, ubi declaratur jus illis competere, si præsentibus fuerint, seclusa etiam Professionis antiquitate. Præsentes autem non censentur, si cum extra Provinciam obierit Generalis, ipsi Romæ tunc fuerint; uti Decreto 54. Congregationis duodecimæ fuit declaratum. Cong. 2.
D. 34.
Cong. 12.
D. 54.

CAPUT VI.

Quo pacto procedendum sit in ceteris casibus initio propositis.

*Quid in
secundo casu
faciendum.*

*P. 9. cap. 4
§. 7.*

55. **S**I secundus casus initio propositus (qui cum Dei gratia speratur non eventurus) incidisset, ut Generalis Præpositus propter quædam, quæ in capite quarto novæ partis Constitutionum continentur, officio privandus videretur, ad Assistentes spectat Congregationem Generalem cogere: nisi res adeò manifesta esset, ut Provinciales non expectata Assistentium convocatione, alii alios vocando, singuli cum duobus sociis per Congregationem Provinciale electis convenirent. Quo autem pacto in hac Congregatione, & cogenda, & celebranda procedendum esset, capite quinto ejusdem partis paragrapho quarto, & quinto præscribitur.

56. Ter-

56. Tertius casus evenire potest, si Generalis Præpositus valdè negligens, vel remissus fuerit in rebus magni momenti ad ejus officium pertinentibus, propter corporis gravem ægritudinem, aut senium, spe emendationis ea in parte sublata, unde multum detrimento publicum bonum pateretur. Tunc si Generalis Vicarium sibi substituere, aut non possit, aut nolit; Assistentes, quorum est judicare, quando sit substituendus Vicarius, curabunt eligi Vicarium juxta formulam eligendi demortuo Generali: neque necessarium est, ut Assistentes prorsus omnes, sed satis est, si pars illorum major in hoc judicio consentiant: eam verò Congregationem cogere ad eos spectabit, qui designati sunt in paragrapho secundo, & tertio formulæ Congregationis ad eligendum Vicarium: quemadmodum à Congregatione Duodecima fuit definitum. Vicarius autem sic electus

D

quam-

*Quid in
tertio casu.
P. 9. cap. 4
§. 6.*

*Cong. 8.
Dec. 28.*

*Cong. 12.
D. 55.*

Cong. 8.
D. 29.

P. 9. cap. 5
§. 6.

quamprimum consultis Assistentibus, monebit Societatem de statu Generalis, prout statuitur in Decreto 29. Congregationis Octavæ.

Quod si major pars habentium Jus suffragii in eo casu judicaverit cogendam esse Congregationem Generalem; ita fiet; & tenebitur Vicarius eam indicere, & dare operam, ut magna cum diligentia celebretur, procedeturque in ea celebranda eodem modo, quo in Constitutionibus capite quinto nonæ partis paragrapho sexto prescribitur; & fient pro bono ejus successu, quemadmodum, & in secundo casu, sacrificia, & orationes in Societate, prout Vicario, & Assistentibus in Domino videbitur.

57. In quarto etiam casu, quando videlicet in Congregatione Procuratorum id decernetur, ad eundem Generalem Præpositum spectat Congregationem indicere, quemadmodum, & quandoque ipse per se cogendam judicaverit,

verit, ut in octava, & nona Consti-
tutionum partibus dicitur. In utro-
que autem casu (sicut & in omni-
bus prædictis postquam absoluta
fuerint illa, propter quæ præcipuè
Congregationes coactæ sunt) de
iis rebus tractabitur, quæ & graves
sint, & ad statum Societatis perti-
neant, aut difficiles admodum vi-
deantur, & quæ à Generali cum
suis Assistentibus expediri neque-
ant. Quoties verò, & quacumque
causa Generalis Congregatio co-
getur; electi à Congregatione
Provinciali censendi sunt semper
electi tum ad negotia tractanda,
tum ad Præpositi Generalis, & As-
sistentium electionem, si eo tem-
pore eligi debeant, nec opus est
Provinciales Congregationes de-
nuò convocare. Porro in rebus
tractandis sequens methodus ser-
vabitur.

P. 8. cap. 4

§. 2.

P. 9. cap. 3

§. 12.

Cong. 6.

D. 35. §. 18

CAPUT VII.

Methodus procedendi in Congregatione Generali, quandocumque in ea, peracto principali negotio, aut statim à principio de aliis rebus agitur.

*Generalis
suffragium,
& jus in
Congrega-
tione.*

*P.8.cap.7
§.4.*

*P.8.cap.3
§.2.*

*Mutatio
Superiorum
tempore
Congrega-
tionis.*

58. **P**repositus Generalis præest Congregationi Generali post electionem, ad quem pertinet eam in omnibus dirigere, & si ea corporis valetudine non esset, ut posset rebus omnibus tractandis interesse, posset alium suo loco substituere: in illa autem ipse duo suffragia habet, & præterea qualitatem præcedendi, cæteris paribus, juxta Constitutiones, quando agitur publicis suffragiis. Quod vero in canone trigesimo secundo primæ Congregationis statuitur, non licere Præposito Generali mutare officiales, qui ab ipso creantur usque ad dissolutionem Congregationis,

tionis, absolute de omni Generali Congregatione, quibuscumque in casibus congregata, intelligendum est: & ut Provinciales mutari non possint juxta Decretum sexagesimum sextum Congregationis septimæ, non tantum post inchoatam Congregationem, sed nec post decretam, non obstante Decreto trigesimo quinto, numero vigesimo Congregationis sextæ.

Cong. 7.
Dec. 66.

Quod si Congregatio Generalis cogenda decernatur in Procuratorum Congregatione, non est censenda decreta eo ipso die, quo in Congregatione Procuratorum id statuitur, sed à die tantum indictionis factæ à Generali; postquem ab illo Provinciales mutari non poterunt, nisi in certis casibus, in quibus potest & ipse Vicarius ex septima sua regula.

Cong. 6.
Dec. 35.
num. 20.
Cong. 12.
D. 32.

Præterea si contingeret, ut quæ à P. Generali, antequam ab illo indicta esset Congregatio, missæ fuerant litteræ, quibus novum Pro-

Offic. Vic.
§. 7.

Can. 13.
Dec. 21.

vincialem designabat, non antea, sed solum post factam indictionem Congregationis Generalis, pervenirent in Provinciam, Provinciali antiquo novus ille deberet substitui, eritque legitima hæc mutatio, etiam si antequam fieret, sciretur indicta Congregatio Generalis; nisi tamen ante indictam Congregationem antiquus Provincialis triennium non explevisset, & constaret Generalem non voluisse illum ante tempus exau-
 Cong. 13. D. 21. torare.

Rectores verò aliosque Superiores locales, qui sui regiminis tempus absolverunt, mutare potest Generalis, etiam si decreta jam sit, aut indicta Congregatio Generalis; neque solum post, sed etiam ante Congregationem Provinciam. Provinciales denique, ac Superiores locales à defuncto Generali nominati, in locum eorum, qui suum moriente Generali triennium non dum expleverunt, quosque

que constat ipsum non voluisse ante tempus exautorare, non poterunt à Vicario Generali renunciari, cum nec Præpositus ipse Generalis vivens possit, post indictam Congregationem Generalem Provinciales mutare: Secus verò si ante Generalis obitum elapsum fuerat triennium eorum, quibus Successores fuerant destinati: si tamen contigerit ante obitum Generalis missas jam fuisse litteras pro Successore ejus, qui suum triennium paulò post obitum Generalis solum expleverit, fuisseque jam Successorem illi substitutum, antequam quidquam de morte Generalis, seu de indictâ Congregatione innotuerit; valida ac legitima erit mutatio: contra autem si priusquam mutatio fieret, de morte Generalis, aut indicta Congregatione notitia habeatur, sive à Provinciali, sive à Rectore, aut ejus futuro Successore; & quacumque tandem via, sive ex litteris Vicariis Generalis,

Cong. 12.
Act. 26.

ralis, five aliundè; nulla in eo casu
facienda est mutatio, & si fiat
nulla erit, ac irrita. Porro quæ de
non mutandis à Generali Provin-
cialibus post indictam Congrega-
tionem Generalem, dicta sunt non
esse intelligenda de Provincialibus
extra Europam, declaravit Con-
gregatio Duodecima Actione qua-
dragesima nona numero primo.

Cong. 12.
Act. 40.
num. 1.

*Quæ in
Congrega-
tione tra-
ctanda.*

P. 8. c. 4. §.
2. & c. 7.
§. 1.

Cong. 6.
D. 35. § 9.

*Oratio in
principio,
& fine cu-
jusque Ses-
sionis.*

Cong. 7.
D. 79.

59. In Congregatione Generali
post electionem de rebus graviori-
bus, de quibus id ea necessario tra-
ctandum est, quam expeditissime
fieri poterit, tractetur. Ea verò
sunt, quæ à Generali cum Assisten-
tibus definiri non possunt. Ante
omnia autem ad bonam rerum
omnium determinationem, Divi-
num auxilium initio singularum
sessionum privata aliqua brevi o-
ratione est implorandum juxta
consuetudinem: eodemque etiam
modo singulæ sessiones conclu-
dendæ. In prima tamen Sessione
dicatur simul ab omnibus alterna-
tim, & submissa voce Hymnus. *Veni*

Creator Spiritus cum sua Oratione.

60, Præter eos, qui habuerunt suffragium in electione Præpositi Generalis, vocandi sunt Procuratores, Generalis, & Provinciarum, si qui præsentés fuerint, & Secretarius Societatis, & si quis alius habeat suffragium in Congregatione post electionem; juxta Constitutiones, & Decreta, si de illis omnibus constet, quod legitimè ad Congregationem accesserint. Quod si de aliquo erit dubitatio, non admittatur, donec Congregatio de illo constituerit.

*Secretarius,
& Procura-
tores vo-
candi ad
Congrega-
tionem.*

Cong. 3.

Can. 16.

Cong. 4.

Can. 15.

& 16.

Cong. 3.

D. 44.

Cong 4.

D. 11.

Cong. 13.

D. 4.

Porro etiam illi Procuratores Provinciarum censebuntur legitimè ad Congregationem accessisse, qui & si non sint missi ab aliqua Congregatione Provinciæ, vocati tamen sunt à Præposito Generali ad tractanda negotia, vel missi à Provincialibus cum approbatione Generalis saltem subsequuta missionem ipsorum. Sufficiet quoque intervenisse auctoritatem Vicarii

Generalis cum iudicio, & suffragatione PP. Assistentium, agendo de Procuratoribus Provinciarum extra Europam.

Cong. 13.
D. 6.

Admittendi similiter erunt Procuratores Vice-Provinciarum, modo electi fuerint à Vice-Provinciali & Consultoribus, ac Professis quatuor Votorum, qui eo in loco, ubi aderat Vice-Provincialis, fuerint.

Cong 4.
Can. 19.

Iidem omnes in suo gradu, & ordine sedeant; sic scilicet, ut si Professi fuerint quatuor Votorum, sedeant inter Electores juxta ordinem antiquitatis suæ Professionis, reliqui verò omnes post Electores hoc ordine sequantur, ut primo loco sint Professi trium Votorum; secundo Coadjutores formati; Tertio, cæteri; omnes juxta antiquitatem sui gradus in Societate.

Cong. 13.
D. 5.

Habebunt denique iidem omnes jus suffragii activi ad omnia, præterquam ad electionem Assistentium: jus autem suffragii passivi

sivi non habebunt in Electione Secretarii Congregationis ejusque Sociorum; ac neque in electione Deputatorum.

61. Denique ad plura suffragia secreta eligendus est Secretarius Congregationis; cui adjungendi sunt duo alii Patres eodem modo electi; qui cum ad numeranda suffragia, & conficienda Decreta adjuvent.

Secretarius eligendus.

*Cong. 2.
D. 80. &
81.*

62. Item deputandi sunt quinque, aut plures Patres, ad plura suffragia ex variis Assistentiis, maxime ex ordine Provincialium, & Assistentium (aliis tamen non exclusis) qui unà cum P. Præposito decernent ad plura suffragia, quæ rejicienda, quæ ad ipsum P. Præpositum referenda, & quæ in Congregatione proponenda erunt. Quæ autem proponenda visa fuerint, Secretarius cum aliquo ex Deputatis in unum colligat, & in ordinem redigat. Porro ipse P. Præpositus in hac, & aliis Deputationibus,

*Deputati ad eligenda proposita
Cong 2 P.
D. 4.
Cong. 3.
D. 3.*

*Generalis suffragium in Deputatione.
Cong. 1.
P. D. 8.*

*Diversi sint
hi Deputati
ab aliis pro
Detrimen-
tis.*

*Cong. 12.
D. 49.*

*Cong 13.
act. 6. &
21.*

*Deputati ad
detrimenta
eligantur in
omni Con-
gregatione
Generali.*

*Cong. 7.
D. 78.*

*Unica pro
detrimentis*

*Deputatio.
Cong. 12.
D. 49.*

bus, ut Definitorum, unum tan-
tū suffragium habebit, cum præ-
rogativa præcedendi, ubi vota
fuerint paria. Adsit etiam Secreta-
rius, aut alter ejus Sociorum, qui
quæ opus fuerint scribat. Hi verò
Deputati ad seligenda postulata e-
lecti; diversi omninò esse debent
ab aliis quinque, pro detrimentis
cognoscendis paragrapho decimo-
quinto designatis, non tamen à
PP. Assistentibus, quos etiam tam
antiquos, quam novos, quando
deputati non erunt, ad consulta-
tiones illas advocari conveniet
consilii causa. Et Deputati quidem
ad detrimenta cognoscenda, in
omni Congregatione Generali,
quacumque ex causa indicta hæc
fuerit, eligi debent, juxta Decre-
tum septuagesimum octavum Cō-
gregationis septimæ: non tamen
facienda est duplex Deputatio pro
detrimentis, sed unica omnino ea-
demque sufficiet cum ante, tum
post electionem Generalis: adeo-
que

que illi iidem qui priùs de detri-
mentis unà cum Vicario Genera-
li, & Assistentibus cognoverant,
de iis unà cum Præposito Genera-
li, adhibitis etiam, si huic placuerit,
Assistentibus, postea cognoscent: *Cong. 13.*
diversi tamen omnino erunt, ut *Act. 13.*
dictum est, ab aliis quinque ad se-
ligenda postulata post electionem
Generalis deputatis: quemadmo-
dum Congregatio Duodecima De-
creto quadragésimo non declara-
vit.

63. Ne quisquam eorum, qui
non sunt de Congregatione, ea du-
rante, in rebus, quæ in illa tractan-
tur se immisceat; aut earum sta-
tum, ac progressum à Congregatis
interroget, illisque vel memorialia
vel informationes obtrudat; aut
ut hanc, vel illam sententiam se-
quantur sollicitet (de qua re Con-
gregati eos, quos sic agere depre-
henderint, admonere tenebuntur,) *Nemo, qui
non sit de
Congrega-
tione, se im-
misceat.*
sed si quis aliqua proponere vo-
luerit, ea à se subscripta ad Se-
creta-

cretarium Congregationis aut ad aliquem ex Deputatis ad feligenda ea, quæ proponenda sunt, deferat.

Ordo proponendi.

P. 8. c. 7. §. 2.

Cong. 7. D. 73.

64. Proponantur Congregationi primo loco, quæ P. Præpositus attulerit; deinde quæ Provinciæ singulæ proponenda miserint; habita inter eas ratione antiquitatis Provincialium in Professione: tùm quæ Assistentes, Provinciales, eorumque Socii: denique quæ Procuratores, & alii de Congregatione, servato inter eos simili ordine antiquitatis, juxta Constitutiones, & tunc nomen suum subscribant oportet, alioquin suo juri quoad ordinem in proponendo cedere censeantur: tùm quæ ab aliis, qui de Congregatione non sunt, proposita fuerunt Deputatis, & ab ipsis digna judicata, quæ proponantur: postremo, quæ quisque Congregatorum voluerit de iis, quæ à se proposita Deputatis & ab illis rejecta fuerint, si minùs illorum iudicio acquieverit. Sed priusquam de
re-

rejectis tractetur, decernendum erit, utrum de illis agendum sit nec ne? non proponendo in genere, an sit agendum de rejectis; sed ubi aliquis Congregatorum proposuerit unum rejectum, decernatur, an de illo agendum sit? tum sic de alio, si aliud propositum fuerit; & sic sigillatim de singulis.

*Rejecta ultimo loco,
& qua ratione proponenda.*

*Cong. 12.
D. 56. n. 8.*

65. Post electos Deputatos, assignetur dies ad electionem Assistentium, & Monitoris, juxta formam electionis eorum inferius præscriptam; ut quamprimum circa P. Præpositum suo munere fungi possint. Interim de negotiis agi poterit.

*Dies pro electione Assistentium
& Monitoris.*

*Cong. 2.
can. 34.*

66. Non solum in Universum, sed nec particulatim de Constitutionum substantialium nostri Instituti mutatione agendum est. De aliorum mutatione in Congregatione tractari poterit; sed sine experimento, vel ratione clarissima nihil mutetur. Licet tamen de omnibus declarationem petere, referendo

Nihil de substantialium Constitutionum mutatione agendum.

Quid de aliis.

*Con. 1. P.
D. 15. &
16.*

*Con 2. P.
D. 6.*

*In abbatibus
et monachis
et aliis*

*Quomodo
res propo-
nenda Con-
gregationi.
Con 1. tit.
1. P.D 4.*

rendo ad Congregationem, ut ipsa
censeat, qua declaratione sit opus.

67. In rebus gravioribus, cujus-
modi sunt, quæ in Congregatione
Generali, necessariò veniunt tra-
ctandæ, uno die rem proponi, &
alio confici oportet: ita tamen, ut
eorum, quæ proponuntur, ratio-
nes, ab iis qui proposuerint verbo,
si videbitur explicentur: sed omni-
nò scriptæ in medio relinquantur,
ut omnes considerare possint; si
quæ alia proponenda erunt, eodem
aut alio die, pro arbitrio P. Præpo-
siti tractabuntur. Curabunt autem
Deputati, ne aliquando desit, quod
in Congregatione tractetur.

*Quanam
substantia-
lia.
Cong 4.
D. 44. 45.
& 58. &
Cau. 17.*

68. De substantialibus nostri In-
stituti, quemadmodum in prima &
secunda Congregatione statutum
fuit, nihil omnino agendum est in
Congregatione. Ea autem in pri-
mis sunt, quæ in formula, seu re-
gula Societatis Julio III. Summo
Pontifici proposita, & ab eo, aliisque
ejus Successoribus confirmata con-
tinen-

tinentur. Deinde ea, sine quibus illa aut nullo modo, aut vix constare possunt, cujuscumque sunt: esse aliqua impedimenta essentialia in admittendo: Non esse necessarium, ut in dimittendis forma judicialis fervetur: reddendam esse Superiori conscientiae rationem: contentum esse debere unumquemque, ut omnia, quae in eo notata fuerint, per quemvis, qui extra confessionem ea acceperit, Superioribus manifestentur: paratos esse debere omnes, ut se invicem manifestent debito cum amore, & charitate; & alia similia. De iis verò, quae pertinent ad alias Constitutiones condendas, & aliis gravioribus, ut alienare, vel dissolvere Domos, vel Collegia semel erecta, & similia; semper ad plura medietate suffragia decernendum est. De cæteris verò minus gravibus ad plura suffragia definire possit Congregatio. Cæterum si de immutandis abrogandisque Constitutionibus in Congre-

De gravioribus ad plura medietate suffragia decernendum. Con. 2. P. D. 7.

De minus gravibus ad plura. Ibid.

*De mutatione Constitutionum ad duas tertias.
Con. 6.
can. 2.*

gatione proponatur, minimè de iis tractare licebit, nisi prius ad plura medietate suffragia de iisdem agendum statuatur. Ipsa vero deliberatio, & Decretum non fiat, nisi ad duas tertias partes, non obstantibus Decretis in prima Congregatione Generali: uti habetur ex Canone secundo sextæ Congregationis.

Quomodo dicenda sententia.

69. In dicendis sententiis curandum est, ut breviter, liberè, & sincerè, coram Deo, re consideratâ, cum modestia dicatur: nec qui posteriores dicunt, priorum dicta inutiliter cum jactura temporis, & aliorum tædio repetant.

Deputationes quando faciendæ.

70. Si negotiorum multitudo, aut qualitas ita exigent, Deputationes fieri poterunt à Congregatione, vel ex commissione à P. Præposito ad ea tractanda & ordinanda, ad quæ fuerint Deputati, qui postea ad Congregationem referant, ut ea de illis dijudicet, statuatur, aut ad Definidores rejiciat, si eligantur.

71 In

71. In iis casibus, in quibus Definitores eligi oportebit, servetur Decretum quadagesimum secundum Congregationis quartæ, ut scilicet ad duas saltem tertias partes suffragiorum statuatur, an eligendi sint Definitores, de quibus Constitutiones parte octava capite septimo paragrapho tertio loquuntur. Definitores verò ad celeriore negotiorum expeditionem an eligendi sint, ad plura medietate suffragia statuatur; & in utroque casu utriusque generis Definitores ad plura medietate suffragia eligantur: & posterioris quidem generis Definitores ad ea definienda, quæ Congregatio specialiter illis commiserit, & cum ea potestate, quam eadem Congregatio tunc illis dandam esse judicaverit.

*Definitores
quomodo,
& quando
eligendi.
Con. 4.
can. 20. &
D. 24.*

*Cong. 13,
Dec. 22.*

72. Quoties autem ejusmodi Definitores eligendi erunt, ii ex variis Assistentiis, quantum fieri poterit, eligantur: qui quidem cum P. Præposito de omnibus specialiter

*Definitores
sint ex va-
riis Assi-
stentiis.*

P. 8. c. 7.

§. 3.

*Intercessio**quando. &
quoties per-
mittenda.*

Cong. 1.

P. D. 9.

Cong. 7.

D. 87.

sibi commissis ad plura suffragia definiant, juxta constitutiones, & facultatem à Congregatione sibi traditam. Porro decreta, quæ ab eis conduntur, parieti affigenda sunt, ut melius considerari possint, & postea Congregationi, publicè proponenda.

73. Post decretum Congregationis plenæ conceditur cuivis tridui spatium (nam intercedere post triduum non licet) una intercessio, idest facultas contradicendi in re quavis. In abrogatione autem aliqujus veteris Constitutionis, vel novæ introductione, etiam duæ intercessiones permittuntur. Sed cùm de decretis Definitorum agitur, apud eosdem Definidores interceditur, nisi Congregatio id sibi in aliqua re particulari reservaverit. Standum est nihilominus five semel, five bis intercedatur, eorum definitioni, penès quos fuerit definiendi facultas.

74. Librum habeat Secretarius
Con-

Congregationis in quo, quæ confirmata erunt, Decreta contineantur: & ea quidem, ante dissolutionem Congregationis, simul leget in plena Congregatione, & sua manu subscribet, & sigillo Societatis muniet.

Acta scribenda, & legenda in Congregatione.

Cong. 2. P.D. 79.

75. Non est dissolvenda Congregatio pro solius Præpositi Generalis arbitrio, sine consensu ipsius Congregationis, quæ Generali superior est. Porro etsi minimè necesse sit Generalium Congregationum Acta Provinciis communicare: Decreta tamen typis excudenda sunt & Provincialibus danda, ut in singulis extent Provinciis: nec in posterum excerpendi erunt, aut imprimendi Canones; quandoquidem jam ipsa Decreta typis impressa omnibus communicantur.

Cujus auctoritate dissolvenda Congreg.

Cong. 1. D. 145.

Decreta Provinciis communicanda.

Cong. 6. D. 27.

Cong. 7. d. 6.

Cong. 6. D. 27.

Canones non extrahendi.

Cong. 12. Act. 43. §. ultimo Ms.

76. Quotiescumque tractatur de negotiis in Congregatione Generali, quâcumque ratione illa cogatur,

Methodus agendi in Congregatione Generali.

gatur, prædicta methodus servanda erit.

*Te Deum
laudamus
in fine.*

77. Absoluta Congregatione, omnes alternatim submissa voce dicant. *TE DEVM LAUDAMVS:* & in fine aliquis eorum unam, aut plures orationes in gratiarum actionem recitabit.

CAPUT VIII.

De Electione Assistentium.

*Quando &
quales Assi-
stentes eli-
gendi.*

P. 8. cap. 5

§. 3.

Cong. 1.

P. D. 80.

Cong. 2 P.

D. 20.

Cong. 6.

D. 1. & 14.

78. **A**ssistentes post electionem Generalis paucis interjectis diebus, ab eadem Congregatione, quæ Generalem elegerit, eligantur, Viri quinque, ex quinque Assistentiis (ex Italica unus, alter ex Germanica, alius ex Gallica, alius ex Hispanica, alius ex Lusitanica) Professi quatuor Votorum, boni, fideles, Societatis, & boni communis amatores, discretionis dono præditi, in rebus agendis versati, & ad conversationem cum hominibus

bus idonei, ad conservandam inter se, & cum Superiore pacem, & unionem apti, & omninò tales, quales in ipsorum Regulis describuntur, sive præsentes, sive absentes sint, ut in prima Congregatione decretum est. Cong. 1.
D. 80.

79. Ad capiendas informationes quatuor dierum spatium concedatur, ante quod tempus nemo informationem petet, nemo dabit: ipso verò quatruiduo, & petere Electores omnes, & soli debent, de quibus, & à quibus in Domino visum fuerit, modò ab iis tantum, à quibus peti potest pro electione Generalis, ut dictum est paragrapho vigesimo octavo; & interrogati informationem negare non poterunt. *Quatruiduum in electione Assistentium.*
Cong. 2.
P. D. 3.

Quinam, & à quibus capiant informationes.

80. Quas informationes, ut melius capiant, ex iis, quæ initio hujus capitis dicta sunt, quæque in Regulis Assistentium fusius explicantur, tum etiam ex nona parte Constitutionum, capite quinto, paragrapho *Vnde faciendum Interrogatorium*

pho secundo & ex secundo & tertio capite primæ partis, & examinationis, sibi quisque Interrogatorium conficiet, & ex Interrogatorio etiam confecto ad electionem Generalis sibi sumere poterit, quæ ad hanc electionem pertinere iudicaverit.

81. Et qui petet, & qui dabit informationem, puram, ac sinceram intentionem habeant, solam majorem Dei gloriam, & meliorem Societatis gubernationem intuentes: & caveant ne humanis, & inordinatis affectibus in informatione ducantur. Nemo igitur non petenti informationem obtrudat: nemo mendaciis, aut amplificationibus, & exaggerationibus utatur: sed omnia consideratè, maturè, & fideliter, certa pro certis, opinata pro opinatis, audita pro auditis referat, eum, à quo audiverit, nominando; & ad ipsum, eum, qui informationem petit, remittendo.

82. Si quis autem sive ex Con-
gre-

gregatione, five non ex Congregatione fuerit, aut in ipsis informationibus, aut extra illas ambitiosè egerit, ut vel ipse, vel alius eligatur, aut etiam alius excludatur; Excommunicationis latæ sententiæ pœnam, eo ipso incurrat, à qua à solo Generali absolvi possit. Qui verò id sciverit, in virtute sanctæ obedientiæ teneatur ad Generalem deferre. Quod si probatum fuerit sufficienter activa, vel passiva, vel utraque etiam voce privetur; alia-ve majore, vel minore afficiantur pœna, prout delicti gravitas, & probationis certitudo postulabit, juxta Constitutiones octavæ partis capite sexto, paragrapho secundo. Judices autem ejus causæ erunt Generalis, & reliqui omnes, ad quos pertinet judicare de ambitu, juxta paragraphum vigesimum quartum supra. Sed non nisi tribus in eandem sententiam convenientibus condemnari poterit. Non deferentes verò, five fuerint ex nu-

*Excommu-
nicatio, &
pœna in
ambientes.*

*Judices
ambitus.*

mero Congregatorum, five non, præter poenam peccati mortalis, arbitrio Generalis punientur.

*Quale se-
cretum in
informatio-
nibus.*

83. Si quid quis intellexerit in informationibus quod secretum teneri debeat, nemini præterquam Electoribus in informationibus specialiter, aut generaliter interrogatus indicabit. Et quod de servando silentio dictum est, in virtute sanctæ obedientiæ præceptum esse intelligatur; in re tamē gravi; id est si res ejusmodi fuerit, ut aut Societati, aut personæ alicui Societatis aliquid ignominia, vel detrimenti afferre posse ejus conscientia judicaverit.

*Electio As-
sistentium.*

Cong. 2.
P. D. 2.
Cong. 3.
D. 17.

84. Ultimo die Quatridui, manē Congregatio conveniat, & præmissâ per aliquantulum temporis arbitrio Generalis oratione, electio Assistentium fiat. Eligentur autem singuli per scrutinia secreta ad plura medietate suffragia; ita tamen, ut si primo, vel secundo scrutinio nemo erit electus; in tertio, & deinceps

ceps in cæteris, inter tres tantum illos, qui in proximo scrutinio plura suffragia habuerint, suffragia dari possint. Si qui autem alii alicui ex tribus æquales suffragiis fuerint, simul etiam cum tribus jus habeant passivi suffragii.

85. Facta electione singuli Assistentes ad mensam, ad quam P. Generalis sedebit, accedent, & flexis genibus coram imagine Crucifixi, quam supra mensam ad hanc rem esse oportebit, his verbis jurabunt. *Testem invoco Deum, cujus oculis omnia nuda sunt, si acciderit aliquid ex iis, quæ sufficiunt ad Prepositum officio suo privandum, simul atque res per testimonia sufficientia, vel ipsius affirmationem constaret, me fideliter Societati denuntiaturum, & Congregationem convocaturum juxta Constitutiones.* Si quando verò extra tempus Congregationis eligendi sint Assistentes, atque Admonitor, servanda erit Constitutio, ut Generalis Præpositus cum approbatione Provin-

Iuramentum Assistentium.

P. 9. c. 5. §. 3. & 4.

*Iuramen-
tum Assi-
stentium
quando eli-
guntur ex-
tra Congre-
gationem.
Cong. 4.
D. 24.
Cong. 6.
D. 27. §. 2.*

vincialium unum substituat, ali-
quam de illo ad eos informatio-
nem mittens, quibus minimè cog-
nitus esset is, qui proponitur ut ha-
ctenus factum est Qui verò fuerit
electus iuramentum præstabit co-
ram iis, qui jus habent in Congre-
gatione Generali; hoc est coram
Præposito Generali, Assistentibus,
Secretario, & Procuratore Gene-
rali.

C A P U T IX.

De Electione Admonitoris.

*Admonitor
qualis eli-
gendus.
P. 9 cap. 4
§. 4.
Cong. 2.
P. D. 22.
Cong. 4.
D. 15. &
Can. 24
Con. 1. P.
D. 81.*

86. **E**lectis Assistentibus, Ad-
monitor eligendus est, Pro-
fessus aliquis quatuor Votorum,
sive ex præsentibus, sive ex absen-
tibus aut ex numero Assistentium,
aut ex aliis, homo religiosus mori-
bus, Deo in oratione familiaris,
profecta jam ætate, iudicio bono
atque maturo, & affectibus mini-
mè turbato, in Instituto, & rebus Socie-

Societatis bene versatus, & illius magnum zelum habens, cum discretione, & prudentia conjunctum, minimè credulus, minimè timidus, & prorsus ejusmodi. ut & Generali gratus credatur fore, & officio tamen suo bonoque Societatis, nullo humano respectu defuturus.

87. Itaque cùm, omnibus ferè rebus, Assistentibus similis esse debeat; Assistentium interrogatorium ad capiendam de illo informationem accomodari poterit, adjunctis iis, quæ cuique ex nona parte Constitutionum, capite quarto, paragrapho quarto, & ex capite secundo, & tertio examinis, & ex Regulis Admonitoris, atque ex his, quæ hic dicuntur, colligere licebit.

Idem Interrogatorium de Admonitore quod de Assistentibus.

88. Capietur autem informatio de illo, eodem tempore, & eodem modo, quo de Assistentibus, atque ab eisdem personis, & eâdem servandi secreti lege.

89. Eo-

74 *Formula Congregationis &c.*

*Secretarii,
& Procuratorum
suffragium
in electione
Admonito-
ris.*

Con. 2. P.

D. 22.

Con. 4.

D. 11.

Con. 5.

D. 68.

89. Eodem die, quo Assistentes electi fuerint, aut cùm primùm poterit, Congregatio conveniat, vocatis etiam Procuratoribus, & Secretario, qui in Admonitoris electione suffragii jus habent: & cùm omnes ad arbitrium Generalis aliquantulum oraverint per scrutinia secreta, & ad plura medietate suffragia, & eodem prorsus modo, quo Assistentes eliguntur Admonitorem eligent.

LAUS DEO.

Formula congregationis generalis in quarta congregatione confecta et
approbata Recogn. et aucta

Roma 1689

Jes. 381

urn:nbn:de:bvb:12-bsb10568139-6